

梅磳詩話



讀畫齋禁書

戊集



讀畫齋禁書

讀書齋叢書目錄

戊集

梅礪詩話三卷

文淵閣書目二十卷

目錄 戊集

一 讀書齋叢書戊

文淵閣書目二十卷

蘇軾詩話三卷

丸集

讀書齋叢書目錄

梅
磳
詩
話

梅
磳
詩
話



梅礪詩話卷上

吳興韋居安著

山谷云俞清老作景陶軒名爲未當詩云高山仰止景
行行止景明也高山則仰之明行則行之耳魏晉閒
所謂景莊景儉從一人差謬遂相承謬余觀葉靖逸
四朝閒見錄云眞文忠公德秀字景元樓宣獻公鑰
嘗從容扣之以字義眞公荅以慕元德秀之爲人故
曰景元樓公取詩注景行行止處示之則景之義爲
明謂高山仰止對明行行止也眞遽易爲希元蓋景

梅礪詩話卷上

一讀畫齋叢書戊

元乃明元無謂也今人命字以景爲希者滔滔皆是
亦承襲之誤歟

陸士衡爲顧彥先贈婦詩云京洛多風塵素衣化爲緇
謝元暉酬王晉安詩云誰能久京洛緇塵染素衣予
觀陳簡齋和張規臣墨梅詩云粲粲江南萬玉妃別
來幾度見春歸相逢京洛還依舊惟恨緇塵滿素衣
結用陸謝語道得著

晁文元隨因紀述云晉右將軍王羲之器宇詞翰三者
俱優而所作會於蘭亭曲水序有樂極悲來嗟悼之

意其語云固知一死生爲虛誕齊彭殤爲妄作吾觀
文選中但有王元長曲水詩序而羲之序獨不收且
謂梁昭明太子深於內學以羲之不達大觀之理故
不收之余謂或者以絲竹管絃語重複天朗氣清非
上巳日景象文選遂不收入今晁公議論如此則知
昭明未必以此八字之故況絲竹管絃前漢張禹傳
已有之輕清爲天謂上巳日也天朗氣清亦何害姑
以此備識者詳覽

杜子美茅屋爲秋風所敗歌云安得廣厦千萬間大庇

梅磻詩話卷上

二讀畫齋叢書戊

天下寒士俱歡顏白樂天製綾襖詩云安得大裘長
萬丈與君都蓋洛陽城晉溪詩話云觀子美樂天詩
意直欲推身利以利人余近閱遺山元好問酒詩云
去古日已遠百偽無一真獨惟醉鄉地中有羲皇淳
聖教難爲功乃見酒力神誰能釀滄海盡醉區中民
詩意宏闊亦非苟作

杜子美戎州詩有重碧粘春酒輕紅擘荔枝之句范石

湖吳船錄云印本粘或作酤郡有碑本乃作粘字當
以碑本爲正石湖之說固有所據然攷之元微之元

日詩云羞看稚子先拈酒白樂天詩云歲酒先拈辭
不得拈指取物也乃唐人語作粘作酤皆非

成都號錦官城眉山史學齋繩祖內子著錦官百詠錄
梓於柯山倅解余觀杜老春夜喜雨詩云曉看紅溼
處花重錦官城錦官正指成都屬本以官爲宮誤矣
前輩詠子規者多矣杜老一篇專諷明皇失位幸蜀肅
宗自卽位靈武又爲李輔國所閒遷明皇於西內故
云君不見蜀天子化作杜鵑似老烏寄巢生子不自
啄羣鳥至今爲哺雛雖同君臣有舊禮骨肉滿眼身

梅磻詩話卷上

三讀畫齋叢書戊

羈孤末云萬事反覆何所無豈憶當殿羣臣趨又有
君看羣鳥情猶能事杜鵑之句皆託此以諷也建炎
閒苗傅劉正彥作亂是時中丞鄭穀密遣謝嚮如平
江仍作詩寄呂元直張德遠二公云杜鵑飛飛無定
棲寄巢生子百鳥依園林花老晝夜嗥安得猛士挾
以歸呂張得詩卽起兵成復辟功詩不徒作也巴蜀
自丙申丁酉以來遭兵禍不歇冰崖蕭斯立一絕云
思歸言語苦悲辛啼老江南綠樹春莫倚巴西君故
土巴西風景近愁人意新語警亦非泛泛之作

岳州洞庭湖廣袤八百里杜老登岳陽樓詩云昔聞洞
庭水今上岳陽樓王內翰洙注云風土記曰陽羨縣
東太湖中有包山山下有穴潛行地中無所不通謂
之洞庭地脈按陽羨乃常州舊縣名東有太湖乃蘇
湖常三州太湖湖中有洞庭山遠指此爲岳之洞庭
湖可乎

李太白廬山瀑布詩有疑是銀河落九天句東坡嘗稱
美之又觀太白海風吹不斷江月照還空一聯磊落
清壯語簡意足優於絕句真古今絕唱也然非歷覽

梅磻詩話卷上

四讀書齋叢書

此景不足以見此詩之妙

隋堤柳歲久年深盡衰朽風飄飄兮雨蕭蕭三株兩株
汴河口老枝病葉愁殺人曾經大業年中春蕭牆禍
生人事變晏駕不得歸秦中土墳數尺何處葬吳公
臺下多愁風二百年來汴河路莎草和煙朝復暮後
王何以鑒前王請看隋堤亡國樹此白樂天隋堤柳
詩也感物懷古可爲後世鑒戒宋開禧丁卯權臣韓
侂胄誅死劉淮叔通詠韓家府詩云寶蓮山下韓家
府鬱鬱沈沈深幾許主人飛頭去和虜綠戶元牆鎖

風雨九世卿家一朝覆太師之誅魏公辱後人不信
有前車突兀眼前看此屋末意與樂天詩相似章泉
趙昌父甚稱賞之

韓退之石鼎聯句詩序云元和七年十二月四日衡山
道士軒轅彌明自衡山來舊與劉師服進士衡湘中
相識將過太白知師服在京夜抵其居宿有校書郎
侯喜新有能詩聲夜與劉說詩彌明在其側貌極醜
白鬚黑面長頸而高結喉中又作楚語唐子西語錄
云東坡隔句對云著意尋彌明長頸高結喉無心逐

梅磻詩話卷上

五讀畫齋叢書戊

定遠燕領飛虎頭或云結字古髻字按東漢馬廖傳
長安語云城中好高結讀作髻而退之序是長頸高結

句喉中又作楚語余謂如此點句方是近世劉後村
老道士詩云老於蒙叟仍黃馘配以彌明亦結喉此
又因坡詩而承襲其誤也

潘闓字逍遙錢塘人今武學前有潘闓巷卽其所居之
里巷內三將軍廟有闓祠堂闓工唐風歸自富春有
漁浦風波惡錢塘燈火微之句人多稱之爲秦王記
室參軍王坐罪捕闓急闓自髡其髮易緇衣出南薰

門後太宗意漸解再入京勅受四門助教闈以老懶
不任朝謁爲辭自封還勅命時文法猶疎簡若此未
幾論者謂闈終秦黨語多怨望遂編置信上勾道旁
石井泉題詩柱上云炎炎畏日樹將焚卻恨都無一
點雲強跨蹇驢來得到皆疑渴殺老參軍猶稱記室
舊銜亦可謂忠於所事矣蘇黃門見之以爲有前輩
氣味不在石曼卿蘇子美下沈存中筆談載潘闈有
詩名與錢易許洞爲友錢許皆一時名士闈之取友
又可想見近世陸放翁老學菴筆記亦稱其夜涼疑
有雨院靜似無僧之句嘉定開杭守建先賢祠於西
湖欲祀闈於列有風不宜預者遂黜闈事見葉靖逸
四朝聞見錄

梅磻詩話卷上

六讀書齋叢書戊

林和靖詩好爲的對雖人名亦取其字虛實色類相偶
如伶倫近日無侯白奴僕當時有衛青之類人多稱
其工然侯白本非伶倫以秀才入官隋文帝嘗令於
祕書省修國史但好爲滑稽啟顏錄亦稱其機辨敏
捷楊素與牛宏退朝白謂素曰日之夕矣素大笑曰
以我爲牛羊下來耶其詼諧皆此類隋唐書亦有侯

白笑林十卷世爲優者多附益之故和靖以爲伶倫
誤也

絕句括盡題意方佳清獻趙公八詠樓詩云隱侯詩價
滿東吳八詠篇章意思殊聞說當時清瘦甚不知還
爲苦吟無又繡川湖詩云東南山水聞之久未省人
曾說義烏萬頃波濤驚客眼始知中有繡川湖二詩
括盡題意得絕句體

華陰員資深三蓮詩話云或傳富鄭公奉使遼國虜使
者云早登雞子之峯危如累卵荅曰夜宿丈人之館

梅礪詩話卷上

七讀畫齋叢書戊

安若泰山又曰酒如線因針乃見富荅曰餅如月遇
食則缺詩話係錄本員乃南渡前人辛巳歲偶於朋
友處見之所載富公之詩皆傑特不凡因筆於此

晁文元法藏碎金載詩一聯云兩輪日月搬興廢一合
乾坤夾是非達者之言也不言何人作余觀張世南
宦遊紀聞知爲蜀人焦夫子搬字元作磨字焦宋初
人忘其名以博學教導後進故世以夫子稱之

陳亞維揚人仕至太常少卿性好諧謔嘗著藥名詩行
於世幼孤育於舅家舅姓李爲醫工人呼爲衙推亞

登第人皆賀其舅亞有詩云張公喫酒李公醉自古
人言信有之陳亞今年新及第滿城人賀李衙推
金陵半山寺乃荆公舊宅屋後有謝公墩下臨深溝上
有古木余嘗與漕幙諸公同遊荆公舊有詩云我名
公字偶相同我屋公墩在眼中公去我來墩屬我不
應墩姓尙隨公他人欲隳括此意非累數十言不可
而公以二十八字盡之真得束廣就狹體

荆公詩云蕭蕭搏黍聲中日漠漠春鉏影外天搏黍黃
鸝也詩疏云黍方熟時鳴于桑閒春鉏驚也爾雅云

梅礪詩話卷上

八讀書齋叢書戊

取驚之行步云冰崖蕭立之秋日絕句云野店聊爲
一枕謀五更歸夢入鄉愁溪流清淺春鉏曉籬落荒
涼絡緯秋詠二物而寓耕織意亦一格

荆公行青苗免役等法引用一等小人天下受其害卒
召六十年後靖康之禍洪平齋有詩云君臣一德盛
熙寧厭故趨新用六經但怪畫圖來鄭俠何期奏議
出唐垌掌中大地山河舞舌底中原草木腥養就禍
胎身始去依然鍾阜向人青按國史俠嘗從安石學
垌乃安石所薦皆以新法不便攻之此詩乃五十六

字史論近時李石山振龍題荆公定林菴一聯云誰
令此地成南渡所謂伊人在此山亦可傳

荆公手種松在定林菴前高標挺然上侵霄漢南豐曾
景建詩云彙進羣姦卒召戎萌芽培養自熙豐當時
手植畱遺愛只有巖前十八公此亦誅心之論

西塘先生鄭俠字介夫福州福清人父監江寧府稅時
先生就清涼寺讀書不交人事惟正且至日一歸省
親時荆公以舍人居憂聞而奇之有楊驥者自鄱陽
來學於荆公公使依先生學一夕大雪先生讀書過

梅磻詩話卷上

九讀書齋叢書戊

夜半寒甚呼驥起飲酒酣登樓觀雪賦詩氣宇浩然
詩云濃雪暴寒齋寒齋豈怕哉漏隨書卷盡春逐酒
瓶開一酌招孔孟再斟畱賜回醺酣入詩句同上玉
樓臺他日驥謁荆公語次誦先生詩公嘆賞曰真好
學者累誦其漏隨書卷盡春逐酒瓶開之句先生將
應舉因贅所業謁荆公公益稱獎旣而登進士甲科
年二十四釋褐授將仕郎試祕書省校書郎調光州
法曹熙寧閒監安上門時天久不雨河北陝西飢民
皆流入京城而京城外飢民尤多公畫而爲圖且上

書曰臣謹按安上門逐日所見繪成一圖百不及一
但經聖眼亦可流涕況於千萬里之外哉歷言大旱
及青苗免役等事上出俵圖及疏示輔臣問安石曰
識俠否安石曰嘗從臣學固乞避位俠未幾下臺獄
竄汀州又改英州由是直聲聞天下後年踰八十以
壽終於家觀其妙年詠雪之作其志趣已不凡

待制周孟陽海陵人少游徑山賦詩有地高多與風雲
會天近常爲日月鄰之句人以爲遭遇英宗符臨川
何尚書異少時登高峯壇有天近風轉清地高日難

梅礪詩話卷上

十讀書齋叢書戊

晚之句林黃中侍郎見之知其異日必貴且壽余二
十年前之杭常登吳山見一第宅桃符云地高春易
盛天近澤常多亦以地高對天近仿前人句法也

晁文元耄智餘書云新鮮膾一飭清醇酒一杯晉室惟
張翰當時得意來陳燦山玳題二陸祠云塵暗香殘
二陸祠可憐詞藻妙當時聯鑣入洛成何事一段淒
涼鶴不知合二詩而觀則張陸禍福之幾在知與不

知耳

陳聖俞令舉嘉禾人慶歷中登進士乙科嘉祐四年中

制科宰越之山陰秩滿當召試館職會朝廷行青苗
法上書力詆時政謫監南康軍酒稅到官與劉太傅
凝之日跨雙犢以窮康廬泉石之勝見於詩歌云我
騎牛君莫笑人閒萬事從吾好千金市骨駿馬來乘
肥大躍須年少蒲爲鞭草爲轡瀑布山前松徑裏看
山聽水要行遲輕策緩驅塵不起布袍葛帶烏接羅
山家裝束不時宜匏樽注酒就君飲阜囊貯書當角
垂我吟狂醉欲倒同醉同吟白雲老此老不可天下
人一住廬山三十春聲如洪鐘目如電七十神光射

梅磻詩話卷上

士讀畫齋叢書戊

人面上牛下牛不要扶合與山中作畫圖汴州馬上
顧何如春泥沒腹仍濺帽夜半歸來人亦痛天真喪
亂百憂集衣食毛髮歸妻孥爭如來騎牛水光山色
俱悠悠此歌世爭傳之後遇赦還鄉絕意仕進元豐
中卒葬於吾鄉南門外之蘇灣距城僅三里許過者
必式焉蘇東坡作定風波詞自序云余昔與張子野
劉孝叔李公擇陳令舉楊公素會於吳興時子野作
六客詞卒章云盡道賢人聚吳分試問也應傍有老
人星後十五年再適吳興而五人者皆已亡坡賦後

六客詞又有十五年來眞一夢何事長庚對月獨淒涼之句蓋惜之也坡祭令舉文云一奮而不顧遂至於斥一斥而不復返遂至於死其哀窮悼屈又可想見

李元膺秋晚早行詩云霧侵駝褐曉寒輕星斗闌于野外明寂寞小橋和夢過豆田深處草蟲鳴近世雪窗張武子亦有早行詩云千山萬山星斗落一聲雨聲鐘磬清路入小橋和夢過豆花深處草蟲鳴末二句僅易三字豈暗合耶否則不無蹈襲之失

梅堯詩話卷上

士讀畫齋叢書戊

蔡寬夫爲太學博士和人治字韻詩云先生萬古名何用博士三十冗不治見王直方詩話云近時方烏山蒙仲吟橐中亦有此聯

李長吉集中有染絲上春機美人梳頭歌婉麗精切自成一家機軸近世襄邑許介之集中亦有染絲上春機美人對鏡歌頗得長吉體製染絲上春機云錦江之水來蜀西女紅染絲上春機可憐欲織未織時思君意緒如亂絲亂絲尙可理妾愁渺無際寒窗軋軋千萬梭斷魂隨梭暗來去蕩子醉花月妾辜鸞鏡妝

寒蛩只解趣機杼爭奈情如刀劒傷織成回紋詩寄
與白玉郎願郎勿棄置上有雙鴛鴦颯著雙鴛鴦忍
教孤妾守空房美人對鏡歌云天上雄雞啼一聲人
閒萬雞相應鳴美人紅酣尙未醒鎖掣金匙鸚鵡驚
鸚鵡從來巧言語聲聒錦幃殘夢起猛揜羅袖窩綠
雲步逼妝臺趁梳洗玉奩脫覆光爍人洞房環曲驚
曉春不是清空月飛入如何中有姮娥身軒轅百鍊
今湮滅揚州青銅卻奇絕人非照鏡鏡照人鏡亦分
明爲人說媿妍一鏡固兩般孤婦懷姦心膽寒閨中
少女色莊麗眉頰不妨終日看

梅磻詩話卷上

三讀書齋叢書戊

羊叔子鎮襄陽嘗與從事鄒湛登峴山慨然有湮沒無
聞之嘆峴山因是以傳吾鄉亦有峴山在南門外距
城三里而近上有李適之窪樽下有古剎一區乙亥
冬經兵火不存東坡爲守時嘗登此山詩云茗水如
漢水鱗鱗鴨頭青吳興勝襄陽萬瓦浮青冥我非羊
叔子愧此峴山亭悲傷意則同歲月如流星湛輩何
足道當以德自銘此山經東坡品題亦因之而重

吾鄉地瀕具區故郡以湖名葉水心爲趙守希蒼作勝

賞樓記有四水會於雪溪鏡波藍浪等語然直齋爲
吳守子明記重建碧瀾堂亦云鏡波藍浪萬頃空闊
以是觀之則水晶宮之稱非浪得也環城數十里彌
望皆菰蒲芰荷城中月河蓮花莊一帶亦然余嘗愛
楊廷秀過雪川大溪詩數語形容最佳詩云菰蒲際
天青無邊只堪蓮蕩不堪田中有一溪元不遠摺作
三百六十灣正如綠錦衣地上玉龍盤屈於其閒味
此詩則雪之勝槩大略可見

蜀僧居簡號北礪憶雪詩云夢憶湖州舊樓臺畫不如

梅礪詩話卷上

西齋讀畫齋較書戊

舟從城裏過人在水中居閉戶防驚鷺開窗便釣魚
魚沈猶有鴈不寄一行書前數句言雪城景物他鄉
所無也

賈收字耘老雪之隱君子也居城南東坡作守時屢過
之題詩畫竹於壁閒耘老有詩集行於世其家臨流
扁水閣爲浮暉沈蔚會宗賦天仙子詞詠其景首句
云景物因人成勝槩是也其後屋屢易主南渡後胡
仔仲任卜居城南與其故址相近賦一絕載其事云
三閒小閣賈耘老一首佳詞沈蔚宗無限當時好風

月如今盡屬續溪翁仲任乃待制號三山老人貫本
歛之續溪後家居於茗仲任著叢話行於世自號茗
溪漁隱又繪漁隱圖賦詩其上其居今亦不存余景
定壬戌冬得數椽於城南慈感渡側詢之故老云距
賈公舊址不遠因作五言八句云卜居求靜處喜傍
碧溪灣隔岸高低柳當軒遠近山天開圖畫久人共
水雲閑聞說賈耘老舊曾居此閒鄉人多有和者

東坡過皇恐灘有山憶喜歡勞遠夢灘名皇恐泣孤臣
之句蜀中有喜歡山坡公借此以對胡澹菴南遷行

梅磻詩話卷上

五讀書齋叢書戊

臨臯道中抵買愁村詩北望長思聞喜縣南來怕入

買愁村

漢武元鼎六年幸緱氏至左邑
桐鄉聞南越破以爲聞喜縣

楊廷秀過瘦

牛嶺詩云平生豈願乘肥馬臨老須教過瘦牛二公
效坡體對俱的余嘗冬夜宿縉雲打鐵山有飲羔肯
羨銷金帳問驛姑投打鐵山之句又泊奔牛聞亦有
一聯云浮家小泊奔牛堰遠信因思回鴈峯仿諸老
格也

澹菴胡公以政和議謫新州守臣張棣黨附秦檜告公
嘗賦詞云欲駕巾車歸去有豺狼當轍語言不遜再

謫吉陽軍余觀公集中有次羅長卿韻懷親詩云天
乎自是我非孝世閒豈有人無親索居誰念卜子夏
不死日飲拋青春少年忽作老翁老故鄉何似新州
新安得君來同夜話寒爐自撥紅麒麟味詩起句亦
含諷意不但賦詞也

澹菴在謫所因讀離騷浩然有江湖之思作瀟湘夜雨
圖以寄興自題一絕云一片瀟湘落筆端騷人千古
帶愁看不堪秋著楓林港雨闊煙深夜釣寒時紹興
丁卯七夕也後一百三十五年辛巳此畫歸之苕溪
趙子昂余得一觀詩與畫俱清麗可愛結字亦端勁
世但見其詩文而不知其尤長於墨戲可謂澹菴三
絕

梅磻詩話卷上

去讀畫齋叢書戊

山谷元豐閒宰吉之太和秩滿有晚登快閣詩云癡兒
了卻公家事快閣東西倚晚晴落木千山天遠大澄
江一道月分明朱絃已爲佳人絕青眼聊因美酒橫
萬里歸船弄長笛此心吾與白鷗盟此閣一經品題
名重天下前後和者無慮數百篇罕有傑出者近世
文溪李公昂英一絕云賦詩江閣凭闌日伸足城樓

濯雨時逆順境殊同一快先生學力豈專詩命意造語俱切文溪自注云山谷謫居宜州城樓得熱疾病中以簷溜濯足連稱快哉未幾仙去

趙德行賓退錄云州縣率南面然南面二字人臣不得用也惟山谷送徐隱父宰餘干詩云地方百里身南面豈別有所本歟余謂論語子曰雍也可使南面則此二字人臣亦通用

山谷別楊明叔詩云皮毛剝落盡惟有眞實在用藥山
荅石頭禪師語但易膚爲毛耳戴式之小樓登覽詩

梅磻詩話卷上

十七讀畫齋叢書戊

云皮毛剝落一眞在年紀侵尋百事非上句亦用藥山語

唐人詩云蛇蝎性靈生便毒蕙蘭根異死猶香詩人玉屑許此一聯爲愛憎格余觀戴式之京都懷徐淵子直院詩一聯云菊花到死猶堪惜秋葉雖紅不耐看亦此體也

梅花丈人行柳色少年時戴式之詩也上句用唐子西

二月見梅詩云祇今已是丈人行肯與年少爭春風下句用南史此柳風流可愛似張緒少年時用事亦

一的對

隋史宇文化及傳校尉令狐行達注令離呈反姓也畢萬之後國語晉大夫令狐文子令狐爲複姓令係平聲戴式之思歸詩云未有人供令狐米欲從鬼借尉遲錢是以令爲去聲矣

奪胎換骨之法詩家有之須善融化則不見蹈襲之迹陸魯望詩云溪山自是清涼國松竹合封蕭灑侯戴式之贈葉竹山詩云山中便是清涼國門下合封蕭灑侯王性之詩云雲氣與山爲態度月華借水作精

梅礪詩話卷上

大讀書齋叢書戊

神式之舟中詩云雲爲山態度水借月精神如此下語則成蹈襲李淑詩苑云詩有三偷語最是鈍賊學詩者不可不戒

范文正公寄林處士詩云片心高與月徘徊豈爲千金下釣臺猶笑白雲多事在等閑爲雨出山來僧顯萬詩云萬松嶺上一閒屋老僧半閒雲半閒三更雲去逐行雨回頭卻羨老僧閑二詩寫出山林真趣

七言律詩有上三下四格謂之折腰句白樂天守吳門日蒼容問杭州詩云大屋簷多裝鴈齒小航船亦畫

龍頭歐陽公詩云靜愛竹時來野寺獨尋春偶到溪
橋盧贊元雨詩想行客過溪橋滑免老農憂麥隴乾
劉後村衛生詩云采下菊宜爲枕睡碾來穹可入茶
嘗胡琴詩云出山雲各行其志近水梅先得我心皆
此格也

詩人喜用全語東坡戲徐君猷孟亨之皆不飲酒詩云
公獨未知其趣耳臣今時復一中之近世王才臣詩
云歸去來兮覺今是不知我者謂何求鄉人方君遇
詩云是有命焉非倖致不知我者謂何求方秋崖送

梅磻詩話卷上

九讀畫齋叢書戊

客水月園詩云翁之樂者山林也客亦知夫水月乎
潘倬詩云逝者如斯未嘗往後之視昔亦猶今下語
皆渾然天成然非詩之正體

毛友龍達可未第時其內子寄以詩云剔燭親封錦字
書擬憑歸鴈寄天隅經年未報千秦策不識如今舌
在無達可三衢人後去龍字止名友政和閒由禮部
出守鄉郡有爛柯集行於世

毛堅平仲題弔子陵釣臺云先生高隱事如何豈謂功
名不足多知道故人能辨事一竿贏得釣清波或云

古今題釣臺者固多膾炙人口此獨得先生之心後
世惟陳希夷似之余嘗見潘庭堅題希夷睡圖云夾
馬營中紫氣高屬豬人已著黃袍太祖丁亥天
成二年生這回
天下都無事可是山中睡得牢合二詩而觀之則子
陵希夷心事可以知其梗槩

茗溪漁隱有溪邊短短長長柳之句後山詩云短短長
長柳三三五五星又後山詩注云唐王建詩長長南
山松短短北澗楊前輩詩字字有來歷楊時可梅詩
云初無汲汲爭春意自是羣花不肯開僧居簡柳詩

梅磻詩話卷上

辛讀畫齋叢書戊

云初無惱亂東風意自是東風惱亂他二詩皆有新
意

信州弋陽縣西有大石歧首名了頭巖或題云何不梳
妝便嫁休長教人喚作了頭欠兩句後施逵續之云
只因未有良媒在直至如今萬萬秋逵建安人太學
第四人登第後從范汝爲之亂范敗竄入北界易名
宜生狀元及第仕至禮部尙書復以出疆漏語被誅
忠愍李公若水字清卿洛州人靖康閒爲吏部侍郎扈
從欽宗至金人軍營抗節不屈而死余嘗見其集中

有都下言懷詩一聯云報主有心葵向日致身無路
手捫天又有七言八句云胡馬南來久不歸山河殘
破一身微功名誤我等雲過歲月驚人還雪飛每事
恐遺千古笑此生甘與衆人違艱難猶有君親念血
淚班班滿客衣觀其平日言志之作氣節可知矣

曾裴父作秦女行并序云靖康閒有女子爲金人所掠
自稱秦學士女在道中題詩云眼前雖有還鄉路馬
上會無放我情讀之者淒然余少時嘗欲紀其事因
循數十年不克爲之王辰歲九月因讀蔡琰胡笳十

梅磻詩話卷上

王讀畫齋叢書戊

八拍慨然有感於心乃爲之追賦其事號秦女行云
妾家家世居淮海郎罷聲名傳海內自從貶死古藤
州門戶凋零三十載可憐生長深閨裏耳濡目染知
文字亦嘗強學謝娘詩未敢女子稱博士年長以來
逢世亂黃頭鮮卑來入漢妾身亦復墮兵閒往事不
堪回首看飄然一身逐胡兒被驅不異犬與雞奔馳
萬里向沙漠天長地久無還期北風蕭蕭易水寒雪
花席地經燕山千杯虜酒安能醉一曲琵琶不忍彈
吞聲飲恨從誰訴偶然信口題詩句眼前有路可還

鄉馬上無人容我去詩成吟罷只茫然豈意漢地能
流傳當時情緒亦可想至今聞者猶悲酸憶昔中郎
有女子亦陷虜中垂一紀暮年不料逢阿瞞厚幣贖
之歸故里惜哉此女不得如終竟老死留穹廬空餘
詩話傳悽惻不減胡笳十八拍秦女一行意甚淒楚
會詩一篇辭甚感愴皆可傳也

蒼山會原一子實章貢人七歲時賦楊妃襪詩云萬騎
西行駐馬崑凌波會此墮香埃誰知一掬香羅小踏
轉開元宇宙來造語警拔寓意精深殊不類幼稚者

梅礪詩話卷上

三讀畫齋叢書戊

又有題蔡琰別虜圖云向來曾讀胡笳曲千言萬語
恨不足今日重看離別圖琰也斂袂雙眉蹙手攜二
兒攔道啼兒也悽蹙雙牽衣胡奴氈車酒邊別漢使
駐馬愁雲低當初入胡憶鄉國此日歸漢胡地憶知
渠憶別還爲誰二雛迢迢天地隔人生離別悲難勝
況乃母子那無情重重氈帳夜深煖誰知別淚今盈
盈君不見臂斷兒啼山店夜世閒此事無人畫全篇
甚有思致末用五代史事尤佳

陳東少陽京口人宣和靖康閒爲太學生上書攻詆六

賊天子嘉其忠命之以官弗受建炎中興以直言召
至行在所未得見又三上書首排柄國之臣謂不足
共大事汪伯彥黃潛善怒之力請誅殛遂身膏東市
後天子感悟追贈京秩紹興四年再贈朝奉郎祕閣
修撰仍官其子弟錫之土田以恤其家東少負氣節
有憤世嫉邪之志在太學時嘗因大雪與同舍生飲
初筮齋酒酣約聯句爲樂公獨爲古詩一篇曰飛廉
強攬朔風起朔雪隨風灑中土雪花著地不肯消萬
億蒼生受寒苦天公剛被陰雲遮世人凍死如亂麻

梅磻詩話卷上

三讀畫齋叢書戊

人閒愁嘆之聲不忍聽誰肯採掇傳說聞達太上家
地上賤臣無言責私憂過去如杞國遏雲直欲上天
門首爲蒼生訟風伯天公儻信臣言憐世閒開陽闔
陰不作難便驅飛廉囚下酆都獄急使飛雪作水流
潺潺東方出日還照耀坐令和氣生人寰又爲律詩
三十韻有山岳遭埋沒乾坤著蔽蒙已成堆積勢還
費掃除功之句皆有深意被收之日視死如歸則東
之志操在此詩見之矣

曾茶山訪戴云小艇相從本不期剡中雪月竝明時不

因興盡回船去那得山陰一段奇來子儀亦有詩云
四山搖玉柎光浮一舸玻璃凝不流若使過門先見
了千年風致一時休子儀實祖茶山之意近時大山
蕭山則詩云訪戴何如莫訪休清談生忌晉風流渡
江一楫無人畫多重王家剡雪舟運意高妙真能發
前人之未發

沈作喆字明遠吳興人守約丞相之姪自號寓山登紹
興進士第嘗爲江右漕屬作哀扇工詩掇怒洪帥魏
道弼摺深文劾之坐奪三官其後從人使虜南湖韓

梅礪詩話卷上

活讀書齋叢書戊

無咎遺之詩曰但如王粲賦從軍莫爲班姬詠團扇
有旨哉洪有士子與寓山往來相款洽一日清晨來
訪寓山猶在寢遂徑造書室翻篋中紙詩稿在焉由
是達魏之聽陳直齋吳興氏族志云哀扇工詩罵而
非諷非言之者罪也其詩不傳

王公衮吉老會稽山陰人紹興甲戌登進士第仕至左
司郎中盜劫其母墓獄成盜不死吉老手殺之詣州
自言兄宣子請納所居官以贖其罪時梅溪王公十
朋爲簽幕賦詩以美之云臣子大節孝與忠父母仇

讎天下同賢哉會稽王孝子感慨有古烈士風松楸
一夕盜破冢親獲鼠輩聞之公有司守法貸其命孝
子銜恨無終窮誰謂書生膽如許貌若虍羸中甚武
手斬凶人提髑髏請死伸冤詣公府君不見齊襄內
行世所羞春秋賢之緣復讎又不見子胥鞭屍報父
怨太史爲之作佳傳君今枕戈志已伸更須移孝爲
忠臣他年當作傅介子誓斬樓蘭雪國恥詩紀其實
也宣子名佐以南省高選奉廷對魁天下紹興閒因
不附秦檜而斥淳熙中平潭寇有功天子嘉之官至
八座吉老風節亦如是其王氏之二難歟

梅磻詩話卷上

垂讀畫齋叢書戊

梅磻詩話卷上

梅礪詩話卷中

吳興韋安居著

紹興末曾茶山下居於越得禹跡寺東偏空舍十許閒
居之手種竹盈庭日讀書賦詩其中公平生清約不
營尺寸之產所至寓僧舍蕭然不蔽風雨公詩有曰
手自栽培千箇竹身常枕籍一牀書蓋寓居時所賦
也公年雖高吟詠猶不輟莆田趙仲白讀公詩集有
詩云茶山八十二癯仙千首新詩手自編吟到瘴煙
因避寇貴登從橐只栖禪新於月出初三夜淡比湯
煎第一泉咄咄逼人門弟子劒南已見祖燈傳蓋山
陰陸務觀實從公學詩陸有劒南集行於世故末及
之

梅礪詩話卷中

一讀書齋叢書戊

陸放翁名游字務觀觀字係去聲或云其母夢秦少游
至而寤遂生放翁因以其字命名而名爲字後村詩
話載史相力薦放翁賜第其去國自是臺評王景文
乃云直翁未了平生事不了山陰陸務觀放翁見詩
笑云我字務觀乃去聲如何作平聲押了近時方蒙
仲有奉題劉後村文稿數首內一絕云昔聞秦七與

黃九後有幼安與務觀觀字亦作平聲想後村見之
亦發一笑

放翁送仲高兄宮學秩滿赴行在詩云兄去遊東閣才
堪直北扉莫憂持橐晚姑記乞身歸道誼無今古功
名有是非臨分出苦語不敢計從違其兄不悅後放
翁入朝仲高亦用此詩送行只改兄作弟字臨分出
苦語之句見東坡詩

放翁老學菴筆記載孫策傳張津嘗著絳帕頭帕頭者
巾幘之類猶今言幘頭也韓文公云以紅帕首已爲

梅磻詩話卷中

二讀書齋叢書戊

失之東坡云絳帕蒙頭讀道書增一蒙字其誤尤甚
按江表傳孫策欲斬道士于吉諸將勸之策曰昔南
陽張津爲交州刺史捨前聖典訓廢漢家法律嘗著
絳帕蒙頭鼓琴燒香讀邪俗道書云以助化卒爲南
夷所殺此甚無益諸君但未悟耳放翁以東坡增一
蒙字爲誤特未詳覽江表傳耳

趙元鎮丞相雨夜不寐詩云西風吹雨夜瀟瀟冷燼殘
香共寂寥要作秋江篷底睡正宐窗外有芭蕉歐陽
寓菴詩云篷窗臥聽瀟瀟雨卻似蕉窗夜半聲一蕉

窗如在舟中一舟中如在蕉窗詩家意思無盡藏特
因所感而發耳

蕉湖夢日亭卽王敦夢日環其城晉明帝徵服往觀之
地也余四十年前嘗於親友處見一碑刻本詩云樓
船犀甲下荊州蜂目將軍住碧油虎帳覺來驚日墮
龍媒嘶去逐星流姦萌問鼎終何在計落遺鞭始可
羞幽草亂花荒故壘無人能作晉春秋詩律高古惜
忘其名氏云

昔有題虎丘眞娘墓詩云虎丘山下冢纍纍舉目松楸

梅磻詩話卷中

三讀書齋叢書戊

昔盡可悲何事世人偏重色眞娘墓上獨留詩呂成公
登八詠樓有感云仲舒舊事無人記家令風流一世
傾天下何曾識眞吏古來幾許尙虛名呂自註云王
仲舒守婺有異政蕭冰厓琵琶亭詩云魯男子事無
人記此地琵琶更結亭獨倚闌干成一笑晚風低鴈
著寒汀三詩皆有意味

葉石林居吳下一日出閭門至小寺中見壁閒有題詩

一絕云黃葉西陂水漫流籊籊風急滯扁舟夕陽暝
色來千里人語雞聲共一邱意極喜不書名氏問寺

僧云吳縣寇主簿國寶所作今官滿去矣歸而問之
吳下士夫云寇從陳無已學蓋與余同年榜下未嘗
往來此石林詩話所載也余攷之登科記石林乃何
昌言榜登科寇乃元符三年李釜榜下石林謂與之
同年何耶

永嘉潘檉字德久號轉菴水心先生序其詩集言德久
十五六詩律已就永嘉言詩皆本德久讀書評文得
古人深處舉進士不中第用父賞授右職爲閣門舍
人題釣臺一聯云但得諸公依日月不妨老子臥林

梅磻詩話卷中

四讀書齋叢書戊

丘爲人傳誦嘗從使節出疆有北征往來所賦上龜
山寺一首云菜花開處認遺基荒屋殘僧未忍離寺
付丙丁應有數岸分南北最堪悲金鈴塢上如相語
鐵佛風前亦斂眉野匠不知行客意競磨濃墨打頑
碑或未喻金鈴塢上如相語之句余按晉書佛圖澄
傳澄能聽鈴音以知吉凶往投石勒及劉曜攻洛陽
勒將殺之其羣下咸諫以爲不可勒以訪澄澄曰相
輪鈴音云秀支替戾岡僕谷敏禿當此羯語也秀支
軍也替戾岡出也僕谷劉曜胡位也敏禿當捉也此

言軍出當捉得曜勒遂擒曜德久用此事不無深意
王沂公梅詩有雪中未問調羹事只向百花頭上開之
句識者知其必爲宰相狀元梁鄭公克家未第時爲
潮州揭陽宰館客寓縣治東齋齋前有梅一株忽於
九月中盛開嶺外梅著花固早於江浙閒然必至冬
方有之邑人殊以爲異時紹興二十八年也邑士多
賦詩往往皆諂令君梁公亦賦一篇云老菊枯殘九
月霜誰將先煖入東堂不因造物於人厚肯放南枝
特地香九鼎變調端有待百花羞澀敢言芳看來冰
下孝宗朝拜相

梅圃詩話卷中

五讀書齋叢書戊

玉輝相映好取龍吟播樂章語意不凡與沂公所作
頗相類明年還泉州中解試首選又明年廷對魁天
沈持要樞吾鄉鄞南人官至太子詹事孝宗朝以論事
不合謫筠州數年後放還田里持要生日鄉曲親戚
及邑官多有獻詩詞爲壽者獨邑尉潘君方一詩最
蒙稱獎詩云昔年單騎上筠州覓得雙蛾伴遠遊去
日但知供夜直歸時猶未識春愁禪人尙有香囊恨
道士猶懷炭婦羞鐵石心腸長壽藥不風流處卻風

流蓋荷要貶謫上道時驚雙鬢以偕往歸日遣之還家仍處女也潘尉用此事甚切

宋太祖命諸將征江南大將曹彬與諸將約城破之日誓不妄殺一人載在史冊可攷也嘗觀會景建金陵百詠樂官山詩序云南唐初下時諸將置酒樂人大慟殺之瘞此山因得名詩云城破轅門宴賞頻伶倫執樂淚沾巾駢頭就戮緣家國愧死南歸結綬人以山名詩意觀之豈果不妄殺耶

平園周益公在翰苑時天台徐淵子似道投詩云翰林

梅磻詩話卷中

六讀畫齋叢書戊

帳下飲羊羔客子騎驢渡灞橋莫似靈鼈笑浮蟻戴山負粟各逍遙後淵子仕亦至翰林直院

詩人嘲風詠月不過以文章自娛戲耳楊廷秀檄風伯詩云峭壁呀呀虎擘口惡灘洶洶雷出吼泝流更著打頭風如擄鐵船上牛斗風伯勸汝一杯酒何須惡劇驚詩叟端能爲我霽威否岸柳掉頭荻搖手

鄉人雪巢林憲景思紹淳閒前輩後居天台少從侍郎徐敦立度游立得句法於魏昌世衍實後山陳公滴派也梁溪尤公延之序其詩言景思喜哦初不鍛鍊

而落筆立就渾然天成無一語蹈襲如柔櫓晚潮上
寒燈深樹中汲水延晚花推窗數新竹中夜鵝鶩喧
誰家海船上唐人之精於詩者不是過楊公廷秀亦
云景思之詩似唐人尤楊二公少所許可其論景思
詩如出一口非溢美也近世三衢鄭景龍編宋百家
詩續選謂景思詩高處不止似唐人且摘出羣花飛
盡楊花飛楊花飛盡無可飛天空霜無影等句謂其
超出詩人準繩之外亦非虛語

紹興辛巳之冬金主亮傾國入寇如林之族充塞淮甸

梅磡詩話卷中

七讀畫齋叢書戊

尉子橋之戰大將王權先遁統領姚興獨以所部四
百騎當虜六十萬自辰至午凡十戰斃數百人虜相
謂曰使更數人如此吾曹何可當權不遣一卒援部
將戴臯亦玩視不救興竟沒於陣朝廷憫其忠厚加
恤典諡以忠毅立廟淮甸迄今血食橘園林宋偉力
與題四絕於廟其一云赤心許國自平時見敵捐軀
更不疑權忌臯庸皆遁走同時死難只青獅注云青
獅乃姚馬名每親飼之若通其語言時取斗酒投大
盆中與馬同飲曰吾與汝同力報國竟與馬同死其

二云農父犁田出寶刀銅花侵血冷侵毛神鋒凜凜
衝星斗未許豐城劔氣高注云耕者得姚所用大刀
重六十斤其三云歲歲蒸嘗九月期西風笳鼓萬人
悲山邊走馬神旗閉遙望君侯復下來注云軍民每
當重九侯生日集祠下祭酹往往見飛騎來遶山謂
太尉來降其四云兩日經行舊戰場卻來祠下謁堂
堂偷生諸將今何在萬古英靈獨耿光林詩載於黃
柔升所編六義余嘉其忠節表而出之

嘉熙閒高沙卒榮全據城叛郡守馬公光祖聞變逃匿

梅磻詩話卷中

入讀書齋叢書戊

僅以身免有營妓毛惜惜者全召之佐酒惜惜怒之
曰汝本朝廷健兒何敢反耶惟有死耳不能爲反賊
行酒全以刀裂其口立命鬻之罵至死不絕聲時臨
川陳藏一在城中目擊其事作詩有食祿爲臣無國
士捐身罵賊有官奴之句三山潘庭堅聞之謂天壤
閒有如此奇特事亦有詩云恨無匕首學秦女向使
裹頭眞杲卿見潘公吟藁余謂自周南之詩媼爲女
婦者惜不知彤管之爲何物曠二三百年得一人史
氏必謹志之曰烈女今毛惜惜出於妓籍中耳目見

聞無非皆淫褻之事非有則範取以自厲也一旦叱
冒叛卒至死不絕聲視古烈女無少愧可不謂之難
得乎一時詩人皆壯此婦之節見之歌詠亦以有關
於世教故也

陳起宗之杭州人鬻書以自給刊唐宋以來諸家詩類
詳備亦有芸居吟橐板行芸居其自號也集中有夜
過西湖詩一絕云鵲巢猶挂三更月漁板驚回一片
鷗吟得詩成無筆寫醮他春水畫船頭語意殊不塵
腐

梅磻詩話卷中

九讀畫齋叢書戊

曾景建金陵百詠決囚燈詩云五詳三覆始施刑明滅
蘭膏豈足憑可惜當年殺嚴續無人爲益決囚燈序
云後主聽死囚然佛燈決之囚家賂左右竊益膏油
輒得不死按五代史南唐世家載鍾謨素善李德明
謨奉使歸而聞德明由宋齊丘等見殺欲報其冤未
能發陳覺齊丘黨也與景相嚴續素有隙覺常奉使
周還言世宗以江南不卽聽命者嚴續之謀勸景誅
續以謝罪景疑之謀因請使於周以驗其事景已割
地稱臣乃使謨入朝謝罪言不割地者非續謀願赦

之世宗大驚曰續能爲謀是忠其主也朕豈殺忠臣乎謨言覺姦詐景怒流覺饒州殺之宋齊丘坐覺黨與放還青陽賜死又胡致堂讀史管見云敵國謀臣我所惡也蓋有設閒用計而去之者矣未聞名揚忠直諭使勿殺如世宗於嚴續者用心如此天下有不服者乎以是觀之則後主未嘗殺續也景建何所據耶

百詠中蔣帝廟詩有闔棺漫說榮枯定青骨猶當履至尊之句人多不解青骨二字偶閱海錄碎事載後漢

梅欄詩話卷中

十讀畫齋叢書戊

末蔣子文嘗爲秣陵尉自謂青骨死當爲神後因顯靈吳主爲立祠鍾山下因改山爲蔣山後累封爲帝始知二字本此

葉廷珪紹興閒嘗爲兵部郎中泉南太守所編海錄碎事河陽傅安道爲之序謂此書乃葉公博極羣書撮其機要廣錄而備用之且稱其琴泉軒詩云不是妙音生妙指只緣流水似流泉無名木詩云人休清樾摩挲認鳥宿高枝睥睨看置於唐人詩中殆不能辨同時朱喬年嘗喜稱之葉公詩集余未之見嘗鼎一

鬻可知已

後漢建武中北海甄宇徵博士臘日賜羊人一頭大小肥瘦不等衆議欲殺羊稱分其肉宇恥之因先自取其最瘦者後召問瘦羊博士所在近世蕭小山泰來仕於朝臘祭謁告詩云官卑豈願乘肥馬食儉惟知取瘦羊下句正用此事瘦羊對肥馬亦的

蕭冰崖立之詠秦詩云燔經初意欲民愚民果俱愚國未墟無奈有人愚不得夜思黃石讀兵書 疑冢

詩曰安排死去千年恨刻畫生前一寸心安得此心

梅磻詩話卷中

十一讀畫齋叢書戊

如此冢不教人識至如今兩詩俱有新意

蕭汎之讀秦紀詩云築了聯雲萬里城春風絃管醉中聽淒涼六籍寒灰裏宿得咸陽火一星蕭舜凱讀周勃傳詩云軍門一入仗天戈便合麾軍作漢歌太尉問頭幾失事六軍右袒合如何二詩皆不苟作

潘庭堅昉三山人端平乙未第三人登科詩筆飄逸不凡嘗贈寫梅林信夫詩云畫馬終須入馬胎寫梅安得不爲梅他生我願爲孤竹清淺溪頭伴子開起句用法雲秀老責李伯時畫馬事末句願爲孤竹伴梅

開於清淺溪頭語意皆灑落可喜

洪平齋題陶靖節祠云雨引莓苔上短垣流泉無恙自涓涓不如歸去來兮好百世間風只杜鵑李雪林龔杜鵑詩云血滴成花不自歸銜愁猶泣在天涯秋聲更比春聲苦除卻淵明勸得誰李詩祖平齋意

鄭安晚丞相未貴時賦冬瓜詩云翦翦黃花秋後春霜皮露葉護長生生來籠統君休笑腹內能容數百人宰相器寬已於此詩見之

安晚當國時一日退朝後諸公造見延之

時適秋

梅磻詩話卷中

古讀書齋叢書戊

晚見一葉墜於金魚池中風吹不定因命諸公賦詩其閒律絕古體皆有之多不愜其意獨華谷嚴粲坦叔止得一句云風池行落葉安晚再三稱賞次日有中舍之除余得之盱江吳浚允文

紹定閒江右寇作盱撫吉贛諸邑多被焚蕩嚴坦叔兵火後還家詩云萬屋煙消餘塿身還家何處訪情親舊時巷陌今難認卻問移新來住人此等景象經亂離者方知之

趙紫芝天樂呈蔣薛二友詩云中夜清寒入縵袍一杯

山茗當香醪禽翻竹葉霜初下人立梅花月正高無
欲自然心似水有營何止事如毛春來擬約蕭閑伴
同上天台看海濤全篇有蕭灑自適之趣第三句尤
佳惠崇池上詩云禽還時動竹亦此意蓋霜落則禽
寒寒則翻身寫物之妙可見矣

蕭大山贈陸冰詩八句純用陸姓事詩云標格眞清挾
雪霜每聽新詠覺神傷茶分鴻漸經中味菊愛龜蒙
賦裏香圃積玉多知學飽囊裝金少爲貪忙向來笑
疾難醫在老筆空鈔十卷方與東坡贈張子野詩頗

梅礪詩話卷中

三讀畫齋叢書戊

相類鴻漸對龜蒙尤的

後村詩話載李似之侍郎詩云老子因何一念差肯將
簪紱換袈裟謂公爲侍從晚年有袈裟之羨其誰信
之黃余觀夷堅甲志載李子約撰生六子長彌性次彌
倫彌大皆預鄉貢未第子約議更其名以須申禮部
乃得易先改第四子彌遠曰正路正路年十六入太
學夢神告曰李秀才君已及第出別紙闊三寸許上
有彌遜二字以示之李曰我舊名彌遠今名正路是
非我其人曰是真郎君也辨論久之方寤頗以爲喜

憚其父嚴毅未敢白以告母柳夫人夫人爲言之遂
令名彌遜而以似之爲字後數年試上舍畢歸侍旁
報榜者一人先至云已魁多士索其榜無有但探懷
中取片紙上書李彌遜三字方疑未信似之云五年
前所夢豈非今日事乎紙之廣狹字之大小無不同
者但夢中不著姓未必可信已而果然又丁志載似
之爲臨川守以父忌日往疎山寺設僧供與長老行
滿共飯滿年八十餘矣飯且竟熟睨公曰公乃遜老
乎李不應左右皆愕俄又曰此老僧同門兄也名上

梅磻詩話卷中

十四讀畫齋叢書戊

下二字皆與公同自聞公出守固已疑之今日察公
言笑動作不見少異公其後身復何疑李扣以何年
終則元祐戊辰卒李初生之年也李亦感異還家揭
燕寢曰小雲堂而賦詩云老子當年一念差肯將簪
紱換袈裟同堂尙有滿兄在異世猶將遜老誇結習
未能忘作舞因緣那得見拈花卻修淨土尋來路淡
薄如今居士家李初命名固得於夢兆今以其全篇
觀之則其爲遜老後身決矣後村謂公詩有袈裟之
羨人不之信特未詳閱夷堅志前後所載耳

東坡詩注云有一貧士家惟一甕夜則守之以寢一夕
心自惟念苟得富貴當以錢若干營田宅蓄聲妓而
高車大蓋無不備置往來於懷不覺權適起舞遂踏
破甕故今俗閒指妄想者爲甕算又詩序云劉幾仲
餞飲東坡中觴聞笙簫聲若在雲霄閒抑揚往返粗
中音節徐察之出於雙瓶水火相得自然吟嘯食頃
乃已作瓶笙詩記之劉後村卽事詩一聯云辛苦謀
身無甕算殷勤娛耳有瓶笙以甕算對瓶笙甚的

劉後村綠珠詩云畏死仕新室輕生謝季倫細評投閣

梅磻詩話卷中

五讀書堂齋校書戊

者大愧墜樓人蕭汎之讀晉史詩云金谷樓頭視若
無此身斷不負齊奴可憐司馬家兒婦正喜劉郎是
丈夫二詩褒貶皆當

劉卞加字子民濱州安定人弱不好弄六歲誤觸甕碎
家人更譙之神色自若曰俟釘鉸者來當全之復譙
其妾曰人破尙可修矧甕耶釘鉸者至料理如新自
是築環堵於家之後圃不出不語者三十餘年或食
或不食徽宗聞其名數勅郡縣津致閒馳近侍召之
更對曰吾有嚴願不出此門上知不可奪賜號高尚先

生後村七十四吟云生慙族老封高尙死慕先賢諡
醉吟上用卞加事下句自注云有司議樂天諡宣
宗曰醉吟先生足矣

後村有訪梅詩數絕首篇云夢得因桃數左遷長源爲
柳忤當權幸然不識桃并柳卻被梅花累十年蓋後
村落梅詩云一片能教一斷腸可堪平砌更堆牆飄
如仙客來過嶺墜似騷人去赴湘亂點莓苔多莫數
偶粘衣袖久猶香東君繆掌花權柄卻忌孤高不主
張好事者箋注其詩以媚嘉定柄臣由此閑廢十年

梅磻詩話卷中

十六讀書齋叢書戊

東南之俗以養鵝鴿爲樂而杭猶甚紹興中有賦詩者
曰鐵勒金絨似錦鋪暮收朝放費工夫爭如養取南
來鴈沙漠能傳二帝書時徽欽二帝蒙塵朔漠故也
後村跋宣和殿畫鵝詩云莫看宣和鵝孤臣淚滴綃
筆精毫髮到地禁羽毛嬌蟲網丹青剝沙鹵簿遙
不知上林鴈偷信報前朝

梅溪王十朋隆興閒出守某郡宴七邑宰賦詩云九重
宵旰愛民深令尹宜懷撫字心今日黃堂一杯酒殷
勤端爲庶民斟西山眞公德秀嘉定閒帥長沙開藩

之初會十二邑宰亦賦詩云從來守令與斯民都是同胞一樣親豈有脂膏供爾祿不思痛癢切吾身此邦祇是唐時古我輩當如漢吏循今日湘潭一杯酒直須散作十分春二公所作真情懇切足以動人之良心

宋自述明父西園之子自適自遜皆其昆季嘗作看梅詩云山鳥寂不鳴霜露沾衣裳欲折意不忍徘徊以彷徨是花寒不芳此花寒獨香又感興云舊葉甫辭柯新葉已萌華頭白不再亥春風吹亦脫旨味悠長

梅礪詩話卷中

十七讀畫齋藏書

殊有古意

壺山宋謙夫萍詩云苦無根蒂逐波流風約纔稀雨復稠舊說楊花能變此是他種子已輕浮蚊詩云朋比趨炎態度輕禦人口給屢憎人雖然暗裏能鑽刺貪不知幾竟殺身蕭舜凱赴燈蛾詩云前身向火乞兒輩炙手權門癢競爬今日趨炎猶未歇不知老眼已昏花三詩皆不專詠物

杜小山未嘗問句法於趙紫芝荅之云但能飽喫梅花數斗胸次玲瓏自能作詩戴石屏云雖一時戲語亦

可傳也余觀劉小山詩云小窗細嚼梅花藥吐出新
詩字字香羅子遠詩云飢嚼梅花香透脾亦此意
漫塘先生劉宰平國金壇人嘉定閒屢召不起士論高
之嘗有題荆公遊半山圖云歸來心自平蹇驢踏秋
風舉鞭問髻奴何如浣花翁道旁幾高松風來自相
語桃李今何之歲寒吾與汝起句佳意有含蓄末託
興亦深

退學孔應得德夫先聖五十二代孫辛丑臨雍賜第主
吉之太和簿秩滿歸寓里柯山槐城王 國用送行

梅磻詩話卷中

大讀畫齋叢書戊

一聯云攜取鶴歸清獻里載將書入仲尼家用事甚
切

永嘉徐照題子陵釣臺詩云梅福神仙者新知是婦翁
王實齋詩云梅公先 巖公壻出處同時道不同吳
市尙猶輕一尉羊裘何必羨三公子陵爲梅公壻傳
記所不載意二詩必有所本

嘉禾錢樵慶豐紹定戊子宰吉之太和是歲邑士上春
官者凡三十有六人宰勸駕賦詩有三十六鱗隨浪
化數千百載遇龍飛之句人以爲期待士子之厚已

丑龍飛臨軒策士邑之擢第者十有一人袁文煇賦
冠南宮與兄樵同登一時衣冠盛事也

趙善倫季思京口多景樓詩云壯觀東南二百州景於
多處更多愁江流千古英雄淚山掩諸公富貴羞北
府如今惟有酒中原在望忍登樓西風戰艦今何在
且辦年年使客舟全篇驚拔江湖閒多稱之或以爲
劉改之詩誤矣

劉改之有代歐陽丞上平章韓侂胄兩絕云當年歐富
與韓范戮力同心佐漢庭今日故家渾似舊醉翁之

梅磻詩話卷中

尤讀書齋叢書戊

後獨凋零玉立堂堂社稷臣人言忠獻是前身三生
畫錦堂前夢莫忘當年作記人大爲韓侂胄稱賞龍
洲集中不載鄉人曹侔待聘爲通州靜海宰與郡博
士施其姓者皆好吟劉改之有詩與二公云茅葦連
天昨已非二年重到最堪悲芹宮尙有肩吾在花縣
猶存子建知躑躅南飛三繞樹淒涼北望四悲詩東
風若不均披拂薦福詩然又斷碑改之詩多豪放此
篇必晚年所作其氣索甚集中亦不載

山陰許景迂舊名閎其先京口人癸丑陳亮榜登科有

野雪吟稿行於世五言一聯云野店青闕戶春船綠
漲篙頗近唐人

菊礪高九萬賦思陵御製墨本詩云淡黃越紙打殘碑
盡是先皇御賜詩白髮內人和淚讀爲曾親見寫詩
時余甲戌歲薄宦三衢常陪同僚遊爛柯山集仙觀
有卽事十絕句內一首觀寧宗御書畫扇云篋中寶
扇久珍儲上有寧皇御筆書因記小臣生聖世爲觀
奎畫重歎歎倣此體也

建安魏醇父慶之號菊莊有吟稿行於世所著詩人玉

梅礪詩話卷中

千讀畫齋叢書戊

屑編類精密諸公多稱之壺山詹夢璧子蒼與之同
里咸淳初年詹待鉛山丞闕館寓吾鄉秀邸與余唱
和詩筒往來不輟相得歡甚丁卯春自茗還建余賦
沁園春詞送其行及以詩寄菊莊云一莊純種菊此
地著詩仙再世陶元亮三生魏仲先餐英知正味飲
水得長年每見君吟稿予懷亦洒然戊辰初春壺山
自官次貽書及寄菊莊和篇來其中一聯云今宵方
對月何日結忘年殊有意味今轉盼十五年矣聞壺
山菊莊墓木皆已合抱追思故交爲之愴然菊莊與

玉林黃叔暘友善有過玉林詩云一步離家是出塵
幾重山色幾重雲沙溪清淺橋邊路折得梅花又見
君亦有新意

葛天民春懷詩云夜雨漲波高一尺失卻擣衣平正石
明朝水落石依然老夫一夜空相憶意在言外又有
因栽白扁豆欲當紫團參一聯屬對亦工

愛山駱彌高舊居杭之西湖自稱爲賓王苗裔寶祐閒
三山王必張景韶宰長興駱裏詩往見之王以詩贈
駱一聯云派傳桂子天香句家住梅花月影閒道得

梅礪詩話卷中

三讀畫齋叢書戊

甚切

臞軒王邁實之莆陽人嘉定丁丑吳潛榜第四人登第
立朝敢言嫉惡尤甚集中有嘲輕薄子詩曲盡其情
狀詩云覆雨翻雲奈爾何胸中所得亦無多貌輕匹
似霜沾葉量淺渾如鼠飲河賣友穿中偏下石叛師
室裏忍操戈正緣才小不聞道難入淵騫德行科

蒲江盧祖臯申之廟山道中詩云粉黃蛺蝶繞疎籬山
崦人家挂酒旗細雨嫩寒衫裏薄客中知是菊花時
語意清新頗能模寫村居景趣

士之遁世者以山深林密爲樂林和靖詩云山水未深
猿鳥少此生猶擬別移居直過天竺溪橋畔獨樹爲
橋小結廬近世葉靖逸西湖秋晚詩云愛山不買城
中地畏客長撐屋後船荷葉無多秋事晚又同鷗鷺
過殘年亦頗得野趣

劉敏求字好古吉之太和人博物洽聞尤長於詩累舉
不第有題滕王閣詩江西人士多稱之詩云閣中環
珮知何處遊子再遊春欲暮鶯啼紅樹柳搖風疑是
當年舊歌舞古來興廢君莫嗟君看紅日西山斜西

梅磻詩話卷中

三讀畫齋叢書戊

山不改舊顏色換盡行人吟落霞或謂西山不改舊
顏色亦偃蹇不第之讖

力菴朱正中洛陽橋觀水詩云點點風帆底處還似無
似有海門山白鷗卻怕潮頭惡閑臥汀花草閒末
句頗有靜退意

江陰乃春申君黃歇舊封君山浮遠堂瞰江對淮爲一
郡勝境李鶴田珏一聯云此水自當兵十萬昔人曾
有客三千人多稱誦

紹定辛卯臨安大火九廟俱燬獨丞相史彌遠賜第以

殿司軍救撲而存洪平齋吳都城火詩云九月丙戌
夜未中祝融漲餓連天紅層樓傑觀舞燧象綺峯繡
陌奔燭龍始從李博士橋起三面分風十五里崩摧
洶洶海潮翻填咽紛紛釜魚死開禧回祿前未聞今
更五分多二分大塗小撒禁不講拱手坐視連宵焚
殿前將軍猛如虎救得汾陽令公府祖宗神靈飛上
天痛哉九廟成焦土末意規諷時宰甚切聞之者足
以戒

葉靖逸九日詩云秋風吹客客思家破帽從渠自在斜

梅礪詩話卷中

三讀畫齋叢書戊

腸斷故鄉歸未得借人籬落賞黃花趙愚齋客中清
明詩云紅塵烏帽寄他鄉欲語春愁怕斷腸惆悵清
明歸未得借人門戶插垂楊二詩同一機軸

畱耕王伯大幼學守臨江日石屏戴復古往訪之畱耕
贈一絕云詩老相過鬢已星吟魂未減昔年清揮毫
不著人閒語盡把梅花巧琢成或謂梅花亦人閒物
二字似未穩畱耕以爲然遂改作塵埃云

省題詩自成一家機軸非他詩比葛常之韵語陽秋蓋
嘗言之然騷人墨客雖從事於時文至作省詩亦不

爲格律所縛楊廷秀序訓蒙省詩亦曰以騷人之情
性寓舉子之刀尺真名言也余觀紹定戊子科括蒼
秋試出賞月延秋桂詩舉子朱光破云咏與桂相投
延之桂亦畱賞渠今夜月了我此生秋結云不須零
碎折和鑑抱歸休下語奇崛考官爲之擊節是年取
解次年龍飛榜擢第

蜀人劉朔齋震孫嘉熙閒由宰掾守雪郡圃桃符云坡
仙舊有棠陰在蜀客新從花底來殊不泛余嘗居雪
之城南咸淳丁卯歲題桃符云歷頒歲首三元日春

梅磳詩話卷中

三
齒讀畫齋叢書戊

滿城南尺五天下句用杜詩注城南韋杜去天尺五
鄉人頗以爲切

杭州六和塔屹立於老木蒼崖之上前對越山俯瞰胥
濤吳越勝槩盡在目中均山朱渙行父詩云古木蒼
崖高又寒寶坊突兀峙其閒閱人多矣數層塔開戶
視之三面山已沒還生潮又汐旣修復缺岸成灣老
僧裏手浮雲表門外憧憧自往還全篇確切有味

詩人遊孤山弔和靖者佳製不一而足近世徐抱獨與
蜀僧居簡之作人多稱之徐云咸平處士風流遠招

得梅花枝上魂疎影暗香如昨日不知人世幾黃昏
居簡云先生一意若雲閑潔白都無一點班名字不
須深刻石暗香疎影滿人閒簡號北礪

世閒不分不曉事有以兩語詠之云醉來黑漆屏風上
草寫盧仝月蝕詩不知何人所作因閱夷堅支丙知
爲金華葉祖義之作葉少游上庠負雋聲天性滑稽
多因口語謔浪所至遭憎惡後登科爲杭州教輕忽
生徒及同官無不怨之一日以事去官無一人祖送
獨與西湖寺僧三兩輩差善至是皆出城送之葉與
之酌酒敘別半醉酣歌曰如夢如夢和尚出門相送
聞者絕倒

梅礪詩話卷中

垂讀畫齋叢書戊

泉南林洪字龍發號可山肄業杭泮粗有詩名理宗朝
上書言事自稱爲和靖七世孫昌杭貫取鄉薦刊中
興以來諸公詩號大雅復古集亦以已作附於後時
有無名子作詩嘲之曰和靖當年不娶妻只畱一鶴
一童兒可山認作孤山種正是瓜皮搭李皮蓋俗云
以強認親族者爲瓜皮搭李樹云

梅礪詩話卷中

梅磻詩話卷下

宋自歐陽補餘本末

吳興章居安著

會蒼山作蘇雲卿歌序云雲卿爲張魏公友魏公相雲卿隱豫章東湖粥蔬自給公託帥漕聘之微服乃得見詰朝再至則閉關矣啟之惟金與書在并不啟封歌云東湖湖面波漫瀾東湖岸上春土肥先生鉏雲明月曉種成蔬纈今成畦把茅蕭蕭環四壁此身不願人閒識乾清坤夷那復知寸心杳渺黃塵隔故人子房今九雲友情不斷江湖濱江西使者卻騶騎故

梅磻詩話卷下

一讀畫齋叢書戊

作敲門問字人黃金百鎰賤一幅多謝春風到茅屋君爲使者吾邦民見君容我更樵服故人與我情重哉君且歸矣明當來明朝啟扉人不見黃金不動書不開使者持書三太息封書徑上黃扉側翩翩鶴馭雲冥冥空來湖上看行迹向來桐江嚴子陵曾得故人雙眼青芒屨卻踏京華路太史驚誇說客星先生得書掉頭去并此湖光不同顧夢夫孀婦截髻鬟亦有老大閨中女蒼山此歌儘有發越余嘗觀張世南宦游紀聞載宋自適紀蘇翁本末甚詳宋后得翁遺

址面挹湖山仍築小菴以寄仰高之思章泉先生爲
名之曰灌園菴

習隱印尚書應雷字德豫通州人繇上庠舍選登辛丑
第屢持麾節及沿江副閩所至政如神明景定閒寓
居吳之常熟凡八年無意祿仕累召不起咸淳乙巳
淮閩乏人權臣力挽其出印畏禍勉從之非其志也
賦詩云習隱今番習不成此行非爲利和名甲兵洗
淨報天子歸對青山樂太平在鎮五年軍民畏而愛
之癸酉冬有星隕於譙樓未幾以疾終甲兵洗淨竟

梅礪詩話卷下

二讀書齋鼓書戊

不克酬惜夫

竹逸趙與訖立道婺之蘭谿人幼歲穎悟常隨侍其兄
爲吳興戶曹一日有人饋戶曹以銅鏡戲命立道賦
詩卽口占云水晶宮中誰磨青銅青銅鑿形神遊水
晶天上一輪月胡爲在人閒莫是人閒世別有一廣
寒語意不類少作後登乙未第改秩而卒

三山林泳太淵竹溪之子能詩尤長於四六題岳王一

聯云忠無身報主冤有骨封王極爲諸公稱獎又戲
代竹夫人謝表其中警聯有云丙枕恩洽則任股肱

甲帳侍宸則置左右長生殿無人之夜睡曾見於海
棠摩訶池避暑之時曲亦聞於花藥袞袞濫登於尚
寢空空且退於幽闈亦嘗以文爲戲者

千峯陳宗禮立之開慶己未歲持廣東憲節行部過舜
廟有詩云存古尙瞻虞袞冕撫時幾換禹山河海濱
樂可忘天下解寫靈明有老軻道閒卽事有山川每
爲蠻煙累人物多由謫籍香之句時臺臣虞宓摘其
語見之彈文謂有譏訕意然皆警句也

後村南岳稿觀元祐黨籍碑詩云嶺外瘴魂多不返冢

梅礪詩話卷下

三讀畫齋叢書戊

中枯骨亦加刑更無人敢扶公議直待天爲見彗星
蚤日大程知反覆暮年小范要調停書生幾點殘碑
淚一弔諸賢地下靈後改第三第四句云稍寬末後
因奎宿暫仆中間爲彗星按夷堅戊志云崇寧大觀
閒蔡京當國設元祐黨禁蘇文忠文辭字畫存者悉
毀之王詔以重刻醉翁亭記至於削籍由是人莫敢
讀蘇文政和中忽稍弛其禁且陰訪求墨迹皆以爲
巨壻梁師成出妾之子故主張是實不然也時方建
上清寶籙宮齋醮之儀備極恭敬徽宗每躬造焉一

夕命道士拜章伏地踰數刻乃起扣其故對曰適至
帝所值奎星奏事良久方畢臣始能達章上問奎宿
何人所奏何事曰所奏不可得聞然此星宿者故端
明殿學士蘇軾也上爲之改容遂一變前事時婺守
陳子象之父爲溫州掾曹傳其說如此後村第三句
稍寬末後因奎宿謂政和中一變前事也又按宋國
史編年崇寧五年春正月彗出西方其長竟天上求
直言大赦劉逵爲中書侍郎勸上碎元祐黨碑寬上
書係籍人禁夜半遣黃門毀石刻後村第四句暫作
事亭當奎宿對彗星尤的乃知作詩不厭改也

梅磻詩話卷下

四讀畫齋叢書戊

中間得彗星謂崇寧中因星變毀黨碑也此一聯用
靖康間金人犯闕陽武蔣令興祖死之其女爲賊虜去
題字於雄州驛中敘其本末仍作減字木蘭花詞云
朝雲橫度轆轤車聲如水去白草黃沙月照孤村三
兩家天天去也萬結愁腸無晝夜漸近燕山回首鄉
關歸路難蔣令浙西人其女方笄美顏色能詩詞鄉
人皆能道之此湯巖起詩滄海遺珠所載近丁丑歲
有過軍挾一婦人經從長興和平酒庫前題一詞云

我生不辰逢此百罹況乎亂離奈惡因緣到不夫不
主被擒捉去爲妾爲妻父母公姑弟兄姨妹流落不
知東與西心中事把家書寫下分付伊誰越人北向
燕支回首望鴈峯天一涯奈翠鬟雲軟笠兒怎戴柳
腰春細馬迅難騎缺月疎桐淡煙衰草對此如何不
淚垂君知否我生於何處死亦魂歸詞名沁園春後
書鴈峯劉氏題語意悽惋見者爲之傷心可與蔣氏
詞並傳

昔有爲河北三鴉鎮官者宦况蕭條僅有蒲藕可買乃

梅磻詩話卷下

五讀書齋藏書

作詩曰二年憔悴在三鴉無米無錢怎養家每日兩
餐都是藕看看口裏出蓮花又有監吳中市征者因
羊價絕高作詩曰平江九伯一斤羊俸薄如何敢買
嘗只把魚鰕供兩膳肚皮今作小池塘聞者捧腹余
嘗過括之馮嶺見旅舍壁間一絕亦效前體爲之詩
云東甌倦客又西征路入芝田已絕腥每日三厨都
是筍看看滿腹萬竿青亦可一笑

池陽華岳字子西號翠微豪放不羈詩文皆有氣骨嘉
泰開禧閒肄業右岸上書攻韓侂胄得罪羈管建安

集中有獻韓詩君家勲業在盤盂莫把頭顱問屬鏤
音閭漢地不埋王莽骨唐天難庇祿山軀不隨召奭始

求老便學孔明終託孤十廟英靈儼如昨謾於宗社
作穿窬當權臣勢燄薰灼之日皆奮不顧身投詩抵
刺又上書攻之氣節殊可嘉尙丁卯誅韓之後復籍
於學嘉定初中右科第二人授殿前司官屬復以謀
史相彌遠被誅

雪蓬姚鏞希聲越上人嘉定丁丑登進士第余紹定己

丑侍親司警吉之太和時雪蓬爲元幕嘗識之端平

梅磻詩話卷下

六讀書齋叢書戊

初守章貢因風聞得罪謫衡山有吟稿行於世集中
警句頗多姑摘其一二於此題衡岳云萬山環拱祝
融尊紫蓋前驅若駿奔火德中天扶日月炎方一柱
鎮乾坤久無執贄求侯牧空有穹碑立廟門北望中
原青一髮悽其四岳正塵昏離衡云天恩下釋湘纍
客心事悠悠月滿船種藥已收思病日著書不就負
殘年雜花怪石分人去老竹荒亭入畫傳歸夢鑑湖
三百里白鷗相候亦欣然法華寺云入門松徑幽樹
杪見鐘樓客至犬迎吠香消僧出遊水花凝晚照風

葉引涼秋欲作居山計吾盟在白鷗

會蒼山海棠詩云空谷嫣然笑靨開春風元自蜀山來
少陵忘汝渾閒事更有離騷忘卻梅或謂杜少陵不
說海棠避母名也故鄭谷詩云浣花溪上添惆悵子
美無情爲發揚離騷經中不會說梅事意相近而蒼
山此詩抑揚儘有意味

梅格高韵勝詩人見之吟詠多矣自和靖香影一聯爲
古今絕唱詩家多推尊之其後東坡次少游槁字韵
及謫羅浮時賦古詩三篇運意琢句造微入妙極其

梅磻詩話卷下

七讀畫齋叢書戊

形容之工真可企歎孤山以此見騷人詠物愈出而
愈奇也

南渡後朱文公追和坡韵世多誦之近世陸放翁雪後
尋梅詩云幽香淡淡影疎疎雪虐風饕亦自如自是
花中巢許輩人閒富貴不關渠意高語爽真不苟作
魏鶴山雪後觀梅詩云遠鐘入枕遞新晴衾鐵稜稜
睡不成起傍梅花讀周易一窗明月四簷聲後兩句
寄興高遠人所傳誦後村又有百花絕句和者二十
餘家信乎風月之無盡藏也

植物中惟竹挺高節抱貞心故君子比德於竹焉古今
賦咏者不一半山老人一聯云誰憐老節生來瘦自
許高才老更剛自負甚高李師直一聯云未出土時
先有節便侵雲去也無心語亦奇的李叔與一絕云
一種春風到町畦物情春亦不能齊過籬新筍貪成
竹不管同根未脫泥殊有言外之意

鄉人錢牧叔謙別墅在西門外地名張釣魚灣卽唐人
元眞子張志和釣游處水亭三閒扁曰魚灣風月諸
公多有賦詠余亦有一詞寄聲摸魚兒謾錄於此詞

梅磻詩話卷下

八讀畫齋叢書戊

云繞茗城水平坡渺雙明遙睇無際就中惟有魚灣
好占得西關佳致楊柳外羨泛宅浮家當日元眞子
溪山信美歎陳迹猶存前賢已往誰會景中意蕭閑
甚築屋三閒近水汀洲香泛蘭芷清風明月知多少
冑滯軟紅塵裏垂釣餌這春水生時賸有桃花鱖煩
襟淨洗待辦取輕蓑來分半席相對弄清泚

宋嘉平寶紹閒叛將李全駐兵淮東之山陽驕悍難制
戕許國逐姚狎殺命士苟夢玉杜來士大夫視山陽
不啻如蛇鄉虎落時莆人林興宗景復授法曹以往

時論壯之安晚鄭公在瑣闥餞行有詩云淮海轅門
立奇士要看左袒爲劉時蓋勉其盡節也景復到任
後改淮安令辛卯春全破通泰犯揚州爲王師掩擊
殪城下其妻楊姑姑懼朝廷必討遂掃衆盡俘執南
官北去景復羈囚山東凡十年挺節無所污安晚餞
詩可無負矣信菴趙公遣閒物色捐金資得之以反
縣國印與告身俱存趙公奏乞旌擢以勸盡節者朝
廷錄用官至曲江守景復北地詩有最是北來少詩
料地寒難得見梅花又有形容變盡頭如雪不改當

梅磻詩話卷下

九讀書齋叢書戊

時一寸心之句江湖閒多稱之

嘉熙閒兩淮倣擾不靖淮民多死於兵有自浮光過淮
安道中書所見詩云浮光迤邐過淮安舉目淒然不
忍觀數畝地埋千百家一家人哭兩三般犬銜脛脰
筋猶軟鴉啄骷髏血未乾寄與滿朝朱紫道鐵人見
此也心酸味此詩有以見兵連禍結當時之民不得
以全其生者可哀也

莆田李瓊君瑞號天隱咸淳戊辰繇上庠舍邊登第卽
挂冠不仕申尙書省乞以合得官回贈其親遂賦詩

而歸詩云古云學古斯入官我見學易而官難平生
透破夢覺關本來面目只儒酸吾親不侍若爲歡不
如歸去臥林閒殿前三策瀝忠肝多謝皇恩天地寬
戲衫卸下白衣還扁舟飛過子陵灘前修亦有逋與
搏聖世與之俱空閑何物种放太厚顏山鬼移文伐
其姦此行無復出閩山休陰息影谷之盤今朝醜酒
酌零壇便向錢塘門挂冠按國史紹興初策士臨邛
李僑以祿不及養願以官回贈淳熙初策士昌元王
昂旣賜第調潼川戶曹自言不願仕上嘉之特改承
務郎致仕嘉定閒眉人史公亮史天應援故事有請
上竝從之宋朝三百年閒新進士卽日挂冠者惟李
僑王昂史公亮史天應李瓘五人而已余與君瑞爲
同年生故喜而書之

梅磻詩話卷下

十讀書齋叢書戊

遺山元裕之樂府摸魚兒注云乙丑歲赴試并州道逢
捕鴈者獲一鴈殺之矣其脫網者悲鳴不能去竟自
投於此而死于因買得之葬之汾水之上累石爲識
號曰鴈丘同行者多爲賦詩予亦有鴈丘詞舊所作
無宮商今改定詞云恨人閒情是何物直教生死相

許天南地北雙飛客老翅幾回寒暑歡樂趣離別苦
是中更有癡兒女君應有語渺萬里層雲千山暮景
隻影爲誰去橫汾路寂寞當年簫鼓荒煙依舊平楚
招魂楚些何嗟及山鬼自題風雨天也如未信與鶯
兒燕子俱黃土千秋萬古爲畱待騷人狂歌痛飲來
訪鴈丘處時李仁卿同賦詞云鴈雙雙正飛汾水回
頭生死殊路天長地久相思債何似眼前俱去摧勁
羽倘萬一幽冥卻有重逢處詩翁感遇把江北江南
風嘹月唳并付一丘土仍爲汝小草幽蘭麗句聲聲

梅磻詩話卷下

上讀書齋叢書戊

字字酸楚拍江秋影今何在

欲迷隄樹霜魂苦

算猶勝王嬙青冢眞娘墓憑誰說與對鳥道長空龍
艘古渡馬耳淚如雨裕之仁卿皆中原人詳味二詞
亦有優劣識者必能辨之詞名摸魚兒

歷陽李士達肄業郡庠齋舍與尊經閣相近每夕夢一

青衣童吟詩登梯而上彷彿僅記四句云帶白雙雙

鶯拖青點點鴉晚風吹不去畱與伴蘆花嘉定丙子

鄉舉省詩出涼葉照沙嶼詩思頸聯結句未就忽憶

舊夢以所記四句足成之有司稱賞以爲神語遂領

薦次年登科余壬申歲被漕檄攝教此邦士友備言之茲事與唐人錢起湘靈鼓瑟詩頗相類

鄉人曹龜年乾淳閒老儒以特科入仕終於縣主簿有能詩聲吟稿甚富余幼歲嘗見之僅記其詠墨梅枕屏絕句結云莫道有香描不得夜來夢蝶尙徘徊極切題

鄉人周師成字宗聖號雉山妙年擢第博學工詩文一時名勝如盧申之趙紫芝劉潛夫諸公皆與之遊有家藏集江湖吟稿中僅刊十數首嘗作雞冠花詩云

梅磳詩話卷下

士讀畫齋叢書戊

爪距深藏獨露冠紫茸簇出弄輕寒五更月下朦朧看只欠一聲驚夜闌得詠物體秋暮卽事一聯云黃蘆花白月無賴烏桕葉紅秋可憐殘菊詩云花縮添新紫香銷減舊黃膾炙人口

鄉人張沄聲父號五淵少從沈晦岩先生學以周禮拔鄉解壬子紹熙三年發解詩律高古嘗詠苔梅詩云老龍全身著艾蒺不耐久蟄潛拏空爪頭撥動陽春信香在霜痕雪點中又題黃碧酒肆詩云東風吹雨水平沙下卻籃輿訪酒家行役不知春早暮牆頭紅

杏欲飛花二絕皆警策

雪坡姚寅居吾鄉之東林派出關西名將之後以詩遊於諸公閒岷隱 尙書分教湖學時正盛暑姚投詩云重席先生閒世才相逢青眼必須開手遮紅日汗如雨不是雪中乘興來岷隱頗異待之

永嘉張庭芝號山民寶祐閒遊學於茗嘗攜吟稿來訪其詠影一篇云虛幻已堪笑一身同去畱自從生便有直到死方休出戶相隨月臨溪不逐流蒲團趺坐處回顧失蹤由頗有意味他作亦多可采俛仰二紀

梅磻詩話卷下

三讀畫齋叢書戊

餘不能悉記矣

雙溪馮熙之送別劉篁磈詩云來似孤雲出岫閑去如高月耿難攀若爲化作脩脩竹長伴先生篁磈山語意不減唐人

早行詩前輩多佳作近世如楊秀詩霧外江山看不眞只憑雞犬認前村渡頭蒲板霜如雪印我青鞵第一痕宋清隱詩云西郊雲起白漫漫近樹遙峯欲辨難山下幾多迷路者人閒方夢大槐安劉應時詩云登輿睡思尙昏昏斗柄銜山月在門雞犬未鳴潮半落

草蟲聲在豆花村三詩意皆高遠

方回字萬里號虛谷新安人景定壬戌別頭登第吟稿
中有何許中原惟鴉見不多吾輩只鷗知之句寄興
甚遠又舟行茗雪閒嘉其景勝賦詩云人生不作湖
州守亦合移居住雪濱後德祐改元爲吳興倅貳雖
少酬所願亦應不作守之讖

淳祐壬寅通州受圍急守將杜霆棄城遁火三日不絕
時淮安肇老住常熟縣福山一剎與通州對岸目擊
此變作詩云見說通州破傷心不忍言隔江三日火

梅磻詩話卷下

古詩畫齋叢書戊

故里幾人存哭透青霄裂冤吞白晝昏時逢過來者
愁是夢中魂肇老通州人也

亡金正大四年戊子十月汴京遇仙樓酒家楊廣道趙
君瑞皆山後人也其鄉僧李菩薩者人以為狂常就
二人借宿每夜酒客散乃從外來臥具有閒刺則就
之不然赤地亦寢一日天寒甚楊生憐其羈窮飲以
酒數杯僧若愧無以報主人者晨起持酒盃出同宿
者聞喫酒聲少焉僧來說云增明亭前牡丹花開矣
公等速起往看之人熟知其狂不信也已而視庭中

果有兩花開自此僧去不復至京師人聞之觀者填
咽醉客相枕籍酒壚爲之一空獲利不貲蓋僧以是
報楊也元裕之賦滿庭芳詞云天上殷韓解羈官府
爛遊舞榭歌樓開元釀酒來看帝王州常見牡丹開
候獨占斷穀雨風流仙家好霜天槁葉穠豔破春柔
狂僧誰借手一杯喚起綠怨紅愁天香國豔梅菊替
人羞盡揭紗籠護日容光動玉墀瓊舟都人士年年
十月常記遇仙游余考其時亡金末帝完顏守緒卽
位於甲申歲乙酉改元正大四年戊子則宋紹定元

梅磻詩話卷下

孟讀畫齋類叢書戊

年也此僧能開花於頃刻之間真可與殷七七韓湘
同日語矣

謝安石與王坦之見郗超久而不出坦之欲去安石云
豈不能爲性命忍須臾耶以超乃桓溫腹心故也東
坡爲鳳翔府僉判謁太守陳希亮公薨久不得見有
客位假寐詩云謁又不得去兀坐如枯株豈惟主忘
客今我亦忘吾同僚不解事慍色見髯鬚雖無性命
憂且復忍須臾末句用謝公語余觀張世南宦游紀
聞余儔字季倫章趙昌父雅愛之作書使訪韓仲

止及門候謁甚久將命者出扣所從來久猶未出余
儔題詩壁閒云謁入久不出兀坐如枯荻蒼頭前致
詞問我因何來士節久凋喪人情易嫌猜本無性命
憂不去安待哉已而拂裏仲止見詩遣人追之余儔
竟不返二詩起結事意同余儔實效彼體

余次子名奇字學易號若溪出繼長與母舅沈氏後習
舉未弱冠中甲子科舉嗣榜庚午秋初不幸以疾亡
年僅二十有五頗好吟九於五言唐律用工如撥灰
煨芋子帶溼燕松枝林缺添松補籬疎倩菊遮敗壁

梅磻詩話卷下

去讀畫齋叢書戊

蝸粘篆空階蚓結樓窗破入雲氣林疎漏月痕野黑
雞聲顛林深燐火明病多諳藥性吟苦識詩情黃犢
拖犁倦青帘說酒清山風噓冷信簷溜管離情皆律
切有味又題倪文昌玉湖書院古風一篇人頗稱之
詩云齊齋老子今安在一去人閒餘廿載白衣蒼狗
幾千回惟有溪山長不改吳興勝槩誇玉湖鵝溪一
幅元暉圖天光上下渺無極寒玉倒浸清冰壺晴波
萬頃瑩如洗一卷石向波心起先生具眼此結廬收
拾溪山入詩裏漁人艇子時往還答箸擲下前溪灣

一聲欸乃水天碧回頭卻羨沙鳥閑樓高望極情思
遠前揖衡山後蒼弁陌頭楊柳幾春風當年曾識齊
齋面我今懷古心悠悠古人不見今人愁夕陽收盡
暝煙浮扁舟載月歸來休此詩扁揭於書院東偏之
水晶境界兵火後不存

余丙子歲司糾三衢二月十一日宋太后詔諭諸郡歸
附郡將而下奉詔依應吏民安堵如故至四月二十
三日忽西安縣管下諸郡草寇攻城甚急守將孟茂
以衆寡不敵而遁余挈累往城北菱角塘孔宰家避

梅磻詩話卷下

七
讀畫齋藏書

難午後城破沈倅應龍被傷西安令趙若鏐遇害是
晚縱火次日賊沿門剽掠余孀女暨本廳兵級徐春
妻俱被執越一日遂與次子及外孫冒險出城逃避
幾死者數矣賊退徐春知其妻掠在近城茜塘民家
以銀贖歸知吾女已死云是晚賊欲亂之吾女極口
詬罵曰爾輩賊也我是見任官女何得無禮遂斃於
毒手寓翁畱忠齋聞之亦高其節後捕得行兇者郡
守董瓚寘之極典一郡稱快余嘗有詩悼之曰視死
如歸不受污今無形管爲伊書倉皇父子終天訣菱

角塘邊孔氏居每一思之涕泗交下

括蒼馮公嶺延袤數十里其高插天山之顛有半山菴
乃往來駐足之地壁閒畱題甚多東畝曹西士幽布
衣時經過題兩絕於壁云平蕪十里綠迢迢水宿山
行好耐勞最是愁人最奇岬馮公之巘浙江濤村南
村北梧桐樹山後山前白菜花莫向杜鵑啼處宿楚
鄉寒食客思家後
出藩入從仕路通顯菴僧模
字鋟板揭之楣閒

靈隱寺前冷泉亭在飛來峯下景趣幽絕古今畱題不

梅磡詩話卷下

六讀書齋叢書

一東坡呈唐林夫一篇固已度越衆作近丹巖林稹
一絕云一泓清可沁詩脾冷暖年來只自知流出西
湖載歌舞回頭不似在山時頗爲人所稱誦續有臨
川陳藏一題於後云巖裏空寒玉有聲亭前淵靜鏡
生明從他流入香塵去不礙源頭徹底清亦有趣味
天台劉瀾字養源號江村以詩遊江湖後村西澗二公

嘗跋其吟稿集中有桐江曉泊詩云風蕭蕭水瑟瑟
淡煙空濛冠朝日灘頭枯木如畫出鸚鵡飛來添一
筆又登昭亭一聯云東風半綠官圩草西日遙紅別

岸山皆警策可喜

前史謂禰衡附孔融慢曹操以其才名不欲殺送劉
表後復慢表表不能容以江夏太守黃祖性急送衡
與之為祖所殺後村詩話云頃見余子壽云謝希孟
為某總餉所惡假手畱鑰張定叟劾去之謝希孟作
詩云上有皇天后土此身不患無歸所憑誰說與
清河公何苦為人作黃祖後村謂祖為曹劉驅使已
可笑又有一種人為祖驅使益可笑也近時鄱陽趙
嘉賓子充余同年進士也初筮為淮西某縣簿領因
為人作黃祖矣

梅磡詩話卷下

五讀畫齋叢書戊

梅磡詩話卷下

